



Foto: Jonna Ketwa

Meeqqat Ikiortigit, Red Barnet: Meeqqat innarluutillit sammineqarnerussapput

28. september 2017 · 12:55 af [Jonas Fievé](#), [Paninnguaq Steenholdt](#) ·

Tags: [Meeqqat Ikiortigit](#), [Red Barnet](#), [Jonna Ketwa](#)

Innarluutilinnut illersuisortaap meeqqat innarluutillit immikkut sammisariaqarai, kattuffiup Meeqqat Ikiortigit, Red Barnetip tusagassiutinut nalunaaruteqarluni allappoq.

Meeqqat innarluutillit sammineqarnerusariaqartut kattuffiup oqatigaa, imaanngimmammi meeqqat tamarmik pisinnaatitaaffitik eqquutsinneqartut misigisaraat.



- Meeqqat innarluutillit pisinnaatitaaffitik eqquutsinneqanngikkaangata, ilaasa ajornartorsiutaat ajorseriarsinnaapput. Angajoqqaatik pisariaqartitaminnik tapersorsorneqanngikkaangata peroriartornerlussinnaapput, ilaqutariinnut artorsartitsillutik, taamaalillunilu meeraq innarluutilik arlaatigut innarlerluni. Meeqqat Ikiortigimmi, Red Barnetimi siulittaasoq Jonna Ketwa KNR-imut taama oqarpoq.

LÆS OGSÅ [Mere fokus på handicappedes rettigheder](#)

Innarluutillit ilinniagaqarsinnaanissamut periarfissaat sammineqarnerussapput

Meeqqat allat naligalugit meeqqat innarluutillit ilinniagaqarsinnaanissamut periarfissaat sammineqarnerusariaqartut, meeqqanut illersuinarluni kattuffik isumaqarpoq.

- Innarluutillit piginnaasaqalernissamut, inuiaqatigiinnut tapertaanissamut inoqutigiinnilu isumalimmik peqataanissamut meeqqatulli allatuulli periarfissaqarput, taamallutik inuiaqatigiinni peqqissuuneq assigiinngiaartuunerlu allisillugu.

Meeqqat 2012-imi illersuisortaarput, illersuisup meeqqat inuusuttullu pisinnaatitaaffii soqutigisailu siuarsaaqataaffigai.

Taamaammat Meeqqat Ikiortigit, Red Barnetip meeqqat innarluutillit illersuisortaarnerat, taakkulu sammeneqarnerunissaat nuannaarutigaa.

Illersuisut marluullutik suleqatigiilluarsinnaasut, Meeqqat Ikiortigit, Red Barnetip qularutigingilaa.

- Kattullutik nunatsinni meeqqat innarluutillit aqqusaartagaat unammillernartut suunersut, tamakkualu qanoq iliuuseqarfigineqarsinaanersut erseqqissarsinnaavaat. Meeqqat Ikiortigimmi, Red Barnetimi siulittaasoq Jonna Ketwa taama oqarpoq.



Nyhedsbrev - Nyheder fra KNR på mail

Morgennyheder Eftermiddagsnyheder Breaking news

Email adresse

Postnummer

TILMELD